

3. Animador/a bele aumenta perguntas ne'ebé mak apropriado ho topiko. Animador/a haklean sira nia jestu agrade-se nian ho puzzle nen'ebe adapta husi **MAGNIFICAT MODERNO NIAN** ne'ebé mak ekipa haruka hamutuk ona ho katekese ba loron daha'at nian.

Animador/a fo tempo ba sira atu hakerek surat ba sira nia inan aman ka ema ne'ebé tulun sira ka tau matan ba sira, konforme ba animador/a.

HAFORSA AKTIVIDADE (istoria) HO LEITURA HUSI

BIBLIA: Roma, 1:8-15; 1 kor 1:4-9

(HILI ORATORIANO 1 ATU LE'E KA KONFORME INISIATIVA HUSI AKOMPAGNADOR/A).

PERGUNTAS HODI HAKLEAN PASSAGEN BIBLIA NIAN:

1. Leitura husi Saun Paulo nia surat ba sarani sira iha Roma ne'ebé ita rona liu ba ne'e koalia kona ba saida?
2. Saun Paulo hateten saida ba sarani sira iha Roma? (Nia dehan: hau fo agrade-se ba hau nia Maromak, husi Jesus Kristo, tamba imi hotu; basa imi nia fiar hetan naran boot iha raiklaran tomak).
3.

SUMARIO

1^a Leitura ne'ebé ita rona, oinsa Saun Paulo hatudu mai ita ninia attitude rekuinesimento nian ba grasa ne'ebé sarani sira iha ba Maromak, nune'e nia la haluha hodi agrade-se Maromak ba sarani sira nia fiar.

Saun Paulo ho laran manas-manas agrade-se ba Maromak ba kmanek espiritual nian ne'ebé nia hakarak atu hatu'o ba sarani sira iha Roma nian.

Nune'e mos aktividade kona ba jestu agradesimento nian ne'ebé ohin maluk sira hatudu, katak se ita hadomi Maromak la to'o deit atu hadomi Nia maibe hatudu hahalok diak ruma liu husi maluk sira ne'ebé ita hetan iha ita nia moris.

Liu-liu labele haluha agrade-se ba Maromak ba grasa moris nian ne'ebé Maromak fo mai ita. Agrades-se Maromak ba grasa isin diak ne'ebé ita hetan. Buka atu hadomi imi nia inan aman no halo tuir sira nia hakarak hatudu liu husi hahalok diak iha moris lor-loron nian.

Final: Taka ho orasaun...

Husu ba sira halo proposito ka buat ruma atu moris tuir iha semana nia laran.

SEMANA DAHULUK CARIDADE LARAN MOS

Objective:

Atu labarik sira bele hatene virtude laran mos nian.

Atu labarik sira bele consciente virtude laran mos nian

Atu labarak sira bele pratika virtude laran mos nian.

Prosessu

Orasaun:.....

Jogos: animador/a prepara plastik 2 : 1 mutin polos no 1 metan.

Hili oratoriano nain 2. Ema 1 kaer plastic mutin polos 1 no 1 kaer plastic kor metan. Tuir mai haruka sira hili fatuk, aitahan maran deit, hodi enxe ba plastic ne'ebé sira kaer. Tuir mai haruka sira hatudu ba maluk sira atu observa kona ba diferensia entre sasan sira ne'ebé iha plastic mutin nian laran no plastic metan nian laran.

Animador/a hakarak halo fali buat seluk ne'ebé relasiona ho topic mos bele.

Analiza aktividade liu husi perguntas

1. Saida mak foin imi hare husi **aktividade** simples ne'ebé kolega sira hatudu?
2. Mensagen saida mak imi foti husi **aktividade** ne'e?
3. Entre **aktividade** ne'ebé imi hare kona ba plastic sira, ida ne'ebé mak imi gosta liu? Tamba sa! Esplika!

Animador/a haklean tiha sira nia resposta, baseia ba buat ne'ebé labarik sira fahe.

HAFORSA AKTIVIDADE (AKTIVIDADE) HO LEITURA HUSI BIBLIA: MARK, 7:14-23

(HILI ORATORIANO 1 ATU LE'E KA KONFORME INISIATIVA HUSI AKOMPAGNADOR/A).

PERGUNTAS HODI HAKLEAN PASSAGEN BIBLIA NIAN:

1. Evanjellu ne'ebé foin imi rona Jesus dehan saida ba Nia Eskolantes sira?
2. Jesus dehan laiha buat ida iha liur ne'ebé tama hodi hafoer ema nia laran ne'e katak sa?
3.(animador/a) aumenta perguntas tuir Evangeliu ne'ebé iha.

SUMARIO

Iha Evangeliu ne'ebé ita rona liu daudaun, oinsa Jesus descreve kona ba buat ne'ebé hafoer ema. Nia dehan katak laos buat ne'ebé mai husi liur mak tama iha ema nia laran atu hafoer maibe buat ne'ebé mai husi ema nia laran mak halo ema nia laran foer, husi ema nia fuan nia hakarak a'at maka lori nia atu halo a'at, atu naok, atu oho, halo sala foer, laran moras, lia bosok, loko-an, no hahalok beik nian. Buat a'at sira ne'ebé nakukun nian mak dala barak ema la hare husi parte ema seluk nian.

Hanesan aktividade ne'ebé ohin ita hare kona ba plastik rua ne'ebé lahanesan. plastik ne'ebé mutin ita bele hare borus ba buat ne'ebé iha laran bele hare mos. Maibe plastik ida ne'ebé mak metan ita lahare mos. Nune'e ho Evanjellu no aktividade ne'e fo hanoin mai ita katak ita labele hare deit ba buat ne'ebé iha liur nian maibe hare liu ba buat ne'ebé laran nian, hanesan ba ita nia hahalok ruma, ita nia hanoin at nian ba ema seluk, nsst. Nune'e liu husi liafuan diak ruma ne'ebé rona koko atu tau iha imi nia moris. Nudar labarik nasaun no kreda nian buka buat ne'ebé diak no justisa atu imi nia moris bele lori duni esperansa ba ita nia rain. Nune'e buka atu respeita inan aman, maluk sira seluk no ho imi nia-an rasik mos. Basa imi mak protagonista ba future nian iha familia, iha kreda no iha nasaun.

FINAL: ORASAUN NO.....

Proposito ruma mos bele depende ba animadores.

SEMANA DARUAK**CARIDADE FO PERDUA NO SIMU PERDUA****Objective:**

Atu labarik sira bele hatene liu tan kona ba fo perdua no simu perdua.

Atu labarik sira bele consciente liu tan kona ba fo perdua no simu perdua.

Atu lannbarik sira bele pratika kona ba fo perdua no simu perdua.

Prosessu

Orasaun: Aman domin Na'i, ohin ami mai halibur hamutuk tan iha ne'e, hakarak atu rona tan Ita Futar LiaFuan, ami husu atu Ita Bo'ot tulun ami atu buat hotu ne'ebé ami sei rona husi ami nia formasaun iha oratorio ne'e, ami bele tau ba ami nia moris lor-loron nian. Ami harohan ne'e hodi Na'i.....

kna'ar ne'e ba sira atu halo diak. Entaun imi mos tenke aprende hatudu hahalok diak iha imi nia moris nudar Maromak oan ne'ebé Nai tau iha mundo. hodi hatudu hahalok diak n'ebé ita halo ne'e bele dehan katak ita hatudu ita nia domin ba Maromak, ba inan aman no ba ema hotu.

Final: orasaun

Fo TPC ruma ba labarik sira, depende ba animador/a sira nia inisiativa.

SEMANA DAHA'AT
CARIDADE: HATENE AGRADECE

Objective:

Atu labarik sira bele hatene liu tan kona ba asaun agradese nian.

Atu labarik sira bele consciente liu tan kona ba asaun agradese nian.

Atu labarik sira bele pratika kona ba hahalok agradese nian.

Prosessu

Orasaun: Na'i Jesus ami nia belun no mestri ami agradese ba Ita bo'ot tamba Ita hadomi tebes ami. Haraik Ita nia tulun mai ami atu bele sai labarik ne'ebé hatene agradese nafatin ba buat diak tomak ne'ebé ami simu husi Ita Bo'ot no ami nia maun-alin sira seluk nne'ebé ami hasoru iha ami nia moris tomak. Amen.

HAKLAKEN TOPIKO HO PERGUNTAS PROVOCATIVAS
LIU HUSI JESTO(mimik) DEIT OU bele mos hatan .

Animador hili labarik nain sanulu ka konforme, ba hamrik iha oin.

Halo perguntas pratico ba labarik sira kona ba oinsa agradese ba buat ruma ne'ebé sira simu husi inan aman, maun, bin, ka ema seluk. Ispontanamente sira hatudu deit liu sira nia jestu iha kolega sira nia oin.

Bele mos hananu musika ne'ebé ho titulu: ita hotu agradese tamba buat kmank oi-oin husi na'i..hbn: 242, hafoin halo perguntas ba labarik sira kona ba lia fuan ida-idak mos bele.

PERGUNTAS:

1. Oinsa imi hatudu imi nia agradese ba imi nia papa no mama wainhira sira fo buat ruma ba imi, durante halo tinan ka graduasaun.
2. Wainhira imi hetan susesu ruma oinsa imi agredese ba Maromak no ba Familia?

HAFORSA AKTIVIDADE (jogus) HO LEITURA HUSI BIBLIA:

Kol, 3:1-14

(HILI ORATORIANO 1 ATU LE'E KA KONFORME INISIATIVA HUSI AKOMPAGNADOR/A).

Perguntas

1. Saun Paulo dehan saida ba sarani sira iha koloso kona ba lisan sarani nian no lisan a'at nian? **R. (lisan sarani nian S. Paulo dehan: imi moris hias ona karik hamutuk ho Kristu, ne'e duni imi buka buat ne'ebé leten a'as nian; iha ne'ebé Kristu tur iha Maromak nia sorin kuana. Kona ba lisan a'at nian S. Paulu dehan: imi sei oho hakarak rai ne'e nian ne'ebé bo'ok imi nia laran, hanesan sala foer, hanoin foer, hakarak foer, laran a'at, laran karakteren nsst).**
2. Saun Paulo dehan tan saida kona ba ema (Ita) ne'ebé Maromak fihir ona tenke sai oinsa? **R.(ema ne'ebé Maromak fihir ona tenke halakon hakarak a'at, laran nakali, bosok ema nsst no liu-liu tenke sai santo).**
3. (animador/a aumenta imi nia perguntas tuir buat ne'ebé imi aplika diak liu tan).

SUMARIO

Ita foin rona kona ba hado'oak-an husi buat ne'ebéhalo a'at ba ita nia moris. Ne'e laos dehan katak ita halai husi realidade moris lor-loron nian maibe hakarak atu dehan katak ita tenke kuido atu rekoinese saida mak diak no a'at, nudar labarik ita tenke aprende atu rona papa, mama, ema bo'ot ruma ne'ebé Maromak tau iha ita nia moris atu bele guia ita atu ita labale halo sala arbiru deit. Hanesan Saun Paulo dehan ba sarani sira iha Koloso, kona ba lisan sarani nian no lisan a'at nian . (lisan sarani nian S. Paulo dehan: imi moris hias ona karik hamutuk ho Kristu, ne'e duni imi buka buat ne'ebé leten a'as nian; iha ne'ebé Kristu tur iha Maromak nia sorin kuana, imi sei hanoin kona ba buat ne'ebé leten nian, laos kona ba sasan rai ne'e nian. Kona ba lisan a'at nian S. Paulu dehan: imi sei oho hakarak rai ne'e nian ne'ebé bo'ok imi nia laran, hanesan sala foer, hanoin foer, hakarak foer, laran a'at, laran karakteren nsst). Nune'e maske imi sei ki'ik maibe imi bele aprende buat diak ruma ne'ebé imi hare husi inan aman ne'ebé dala barak hatudu sira nia hahalok diak ba imi liu husi sira nia sakrifisio, hodi servisu maka'as atu hetan osan no selu-seluk tan, sira halo buat sira ne'e hotu ba imi tamba hadomi imi. Maromak entrega

Istoria:

Iha labarik nain rua, ida naran David no ida seluk naran Jeto, sira nain ruq ne'e escolah SD publiku, sira nain rua foin mak quinto (5) ano. Labarik nain rua ne'e belun diak tebes ba malu, no sira nain rua tulun malu atu hatudu deit sira nia hahalok diak ba ema. Sira iha hahalok diak ne'e hotu, tamba iha uma laran kedas sira nia inan no aman nafatin fo hanoin ba sira katak buka atu sai ema ne'ebé diak, la halo a'at ba ema seluk, maske ema halo a'at ba sira karik ba, buka atu la halo a'at fali hasoru ka selu a'at ho a'at, maibe lao do'ok tiha. Iha bairo ne'ebé sira hela ba ne'e, maluk labarik barak ne'ebé mesak brutal deit, nune'e loron ida wainhira sira nai rua lao hela iha Estrada atu ba escola, iha dalan maluk labarik sira seluk para sira rua no dehan ba sira, se imi rua hakarak ami konvida imi aban ita ba hare motocross, maibe sira hatan katak ami labele ba ho imi tamba ami besik ona atu ezame. Ho ida ne'e mluk sira ne'ebé konvida ne'e hirus sira nain rua, no tuku tebe sira, sorte pulicia mos liu hela iha momento ne'ebá, ne'ebé ema haloo a'at ba sira. Pulicia hare no mai to'o iha sira maibe labarik sira ne'ebé halo a'at ba sira nain rua ne'e halai lakon hatu ona. Pulicia husu ba sira nain rua atu buka tuir para lori ba sela maibe sira nain rua dehan ba pulicia katak husik ba, ita lalika ba buka tuir sira, wainhira sira halo tan ba ema seluk no ema konsege kaer sira entaun bele lori sira ba sela. Agora tamba ami mos la dun kanek ami perdua deit ona. Pulicia dehan ne'e diak maibe kontra lei ita tenke buka tuir sira. Maibe tamba labarik nain rua ne'e hanoin hela inan aman nia liafuan entaun sira la lori ba problema, sira mantein sira nia lia fuan no dehan ba pulicia bele buka tuir maibe ami karik lakohi lakon tempo atu ba buka sira, ami hakarak ba escola agora deit ona.

Analiza aktividade (istoria)liu husi perguntas!.

1. Istoria ne'ebé foin imi rona ne'e koalia kona ba se?
2. Saida mak labarik sira seluk halo hasoru sira?
3. Wainhira labarik sira seluk halo a'at ba sira, hahalok saida mak labarik nain rua ne'e halo hasoru?
4. Lia fuan saida mak labarik nain rua ne'e sempre rona husi sira nia inan aman?
5. Kona ba hahalok labarik nain rua nian ida ne'ebé mak diak no imi gosta atu moris tuir?
6.

HAFORSA AKTIVIDADE (istoria) HO LEITURA HUSI BIBLIA: Lukas, 6:27-35

(HILI ORATORIANO 1 ATU LE'E KA KONFORME INISIATIVA HUSI AKOMPAGNADOR/A).

PERGUNTAS HODI HAKLEAN PASSAGEN BIBLIA NIAN:

1. Evangeliu ne'ebé foin imi rona liu ba ne'e, Evangelista Saun Lukas haktuir saida mai ita?
2. Saida mak imi hakarak atu aprende husi Evangeliu ne'e?
3. Tamba sa mak ita presisa konserva no hatudu hahalok diak ba ita nia funu balun sira? Ka ema ne'ebé halo a'at mai ita!
4.

SUMARIO

Iha Evangeliu ne'ebé ita rona liu daudaun, oinsa Jesus dehan atu hadomi ita nia funu balun sira, fo bensa ba sira ne'ebé fo malisan ba ita, perdua sira ne'ebé halo a'at ka rai odio mai ita, harohan ba sira ne'ebé koaliala a'at mai ita, se ema ruma basa ita karik ita nia hasan sorin ita fo tan sorin atu basa, se ema ruma impresta ka deve ita nia sasan keta husu fali nsst. Nune'e mos husi istoria kona ba labarik nain rua ne'ebé ohin ita rona liu daudaun oinsa labarik nain rua ne'e ninia hahalok ne'ebé sira iha hasoru ba labarik sira seluk ne'ebé hakarak halo a'at ba sira, sira laiha intensaun a'at mos atu halo hasoru fali ba labarik seluk ne'ebé hakarak halo a'at ba sira. Sira hatudu deit mak hahalok perdua nian, tamba sira hatene katak violensia ho violensia sei lamanan buat ida mak estraga deit, maibe vilolensia ho hahalok diak sei manan damen no domin. Nune'e nudar labarik ba kredo no nasaun rai doben ne'e nian saida mak imi hakarak atu ita nia rai, kredo no nasaun bele hetan diak ou susesu diak? se laos husi labarik hanesan imi ne'e ninia kompentensi ka kompromisu? Evajellu no istoria hatudu momos no klaro. Los katak nudar labarik ema dehan ne'e nakonu ho RAN MANAS, hakarak halo saida deit! Ne'e los maibe laran manas ita hanoin karik labele fakar arbiru ka manas arbiru maibe manas ho kualidade no ho prinsipio ne'ebé mak los no konstrutivu.

Wainhira labarik ida hatene tahan-an ka kuda pasensia aas nasaun ida nia laran iha hakmatek, no ema hotu bele enjoy moris to'o rohan. Tamba imi labarik sira mak PROTAGONISTA FUTURO NIAN "TENIK PAPA FRANCISCO". Ikus ita bele dehan katak ita mak Maromak oan lolos ne'ebé hakarak hatudu hahalok diak deit hanesan Maromak hakiak ita iha mundo ne'e.

FINAL: ORASAUN (se bele husu ba sira atu halo propositu ruma ba semana nia laran, depois husu ba sira wainhira hasoru maluk fali ba tempu seluk).

Semana da toluk

CARIDADE:

HADO'OK-AN HUSI BUAT NE'EBÉ HALO A'AT BA MORIS

Objective:

Atu labarik sira bele hatene liu tan kona ba hadok-an husi buat ne'ebé a'at ba moris

Atu labarik sira bele consciente liu tan kona ba hadok-an husi buat ne'ebé a'at ba moris

Atu labarik sira bele pratika kona ba hadok-an husi buat ne'ebé a'at ba moris

Prosessu

Orasaun: Na'i Jesus ami nia belun no mestri ami agradece ba Ita bo'ot tamba Ita hadomi tebes ami. Haraik Ita nia tulun mai ami atu bele sai labarik ne'ebé hatene rekoinese buat ne'ebé diak no a'at no liu-liu hanorin ami atu hatene rekoinese saida mak diak no ladiak ba ami nia moris. Amen

Ilustrasi: jogos

Animador prepara raihenek iha labarik sira nia oin, tau iha fatin rua Iha fatin ida tau rai-henek mesak la ho buat ruma no iha fatin seluk tau rai -henek ho aitarak no buat foer balun.

Tuir mai husu ba labarik nain nen ka walu (6 ka 8 konforme) atu ba lao ka halimar iha raihenek ne'ebé prepara ona iha sira nia oin.

Animador/a observa deit labarik sira nia asaun, ida-idak ne'ebé sira halao durante sira hatudu iha raihenek ne'ebé pepara.

Tuir mai husu perguntas ba sira seluk atu halo komentario kona ba saida mak sira nia kolega sira hatudu iha oin.

Depois ke animador/a rona tiha sira ida-idak ninia komentario, animador/a haklean liu tan ba sira nia resposta ne'ebé sira iha, fo exemplo ruma ne'ebé relasiona ba sira nia asaun durante sira hatudu iha oin.

NB: animador/a bele prepara fali jogus seluk ne'ebé relasiona ho topiku mos bele.